



AKTUELNOSTI

U Tesliću održana godišnja konferencija glavnih tužilaca u BiH **U fokusu visoka korupcija, organizirani kriminal i izborne prevare** (31.5.2024. godine)

S fokusom na rezultate u procesuiranju visoke korupcije, organiziranog kriminala i izbornih prevara, u Tesliću je 29. maja, u organizaciji Visokog sudskog i tužilakog vijeća BiH, održana redovna godišnja konferencija glavnih tužilaca u BiH. Na konferenciji su predstavljene prioritetne aktivnosti i rezultati tužilaštava u ovoj oblasti u protekloj godini, uz osvrt na upotrebu dokaza pribavljenih putem *SKY* i *ANOM* aplikacija. Usto, razgovaralo se o integritetu i imovinskim izvještajima nosilaca pravosudnih funkcija, transparentnosti i jačanju povjerenja javnosti u rad pravosuđa.

Pored ostalog, na konferenciji glavnih tužilaca konstatovano je da je u pravcu daljnjeg unapređenja rezultata potrebno osigurati dosljednu implementaciju preporuka iz izvještaja Misije *OSCE*-a u BiH koji, kako je zaključeno, potvrđuje značajan napredak u procesuiranju predmeta korupcije i organiziranog kriminala na visokom nivou. U ovom kontekstu, tužioci su upoznati i s preporukama Projekta regionalnog praćenja suđenja u periodu juli 2021 – mart 2024. godine, usmjerenim na jačanje procesne discipline i efikasnije upravljanje postupkom, kao i na usklađivanje kaznene politike u ovoj oblasti. U odnosu na predmete izbornih prevara zaključeno je da je potrebno nastaviti s njihovim prioritetnim rješavanjem, te pojačati saradnju s policijskim agencijama kroz izradu i realizaciju zajedničkih operativnih planova, kao i proaktivan pristup u informiranju javnosti.

Učestvujući na konferenciji u ime Tužilaštva Brčko distrikta BiH, glavni tužilac Zekerija Mujkanović predstavio je rezultate ove pravosudne institucije u ciljanim oblastima, naglasivši važnost prioritetnog, konstantnog i proaktivnog djelovanja tužilaštava i drugih uključenih aktera na planu daljnjeg unapređenja rada.

GLAVNI TUŽILAC

ZEKERIJA MUJKANOVIĆ